



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memoriam cogitationibus,  
Intellectus considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

Domus Æternitatis Damnatae

**Dirckinck, Johann**

**Coloniae Agrippinae, 1713**

23. Plagae damnatae aeternitatis

[urn:nbn:de:hbz:466:1-50700](https://nbn-resolving.org/urn:nbn:de:hbz:466:1-50700)

## CONSIDERATIO XXIII.

Plagæ damnatæ æternitatis.

*Mittam omnes plagas meas super cor  
tuum. Exodi c. 9. 14.*

6. Septembris.

I. IN hac consideratione perpendemus  
 decem Ægypti plagas, tanquam to-  
 tidem peccatorum diversi generis pœ-  
 nas, nec non suppliciorum infernalium  
 præludia ac symbola. Plaga prima fuit,  
*conversio aquæ fluminum in sanguinem:*  
 unde aquæ putrefactæ, pisces mortui,  
 ægyptii que aquam bibentes afflicti. Exo-  
 di c. 7. 17. S. Augustinus Tom. 9. in  
 tractatu de convenientia decem plaga-  
 rum Ægypti, cum decem Decalogi præ-  
 ceptis, ait. *Aqua convertitur in sangui-  
 nem, id est Deus in idolum commutatur.*  
 Ægyptii enim, ceu homines carnales &  
 insipientes, Majestatem gloriamque Dei,  
 lapidibus ac bestiis attribuerunt: hinc  
 pœna sanguinis, pœna discordiæ, in in-  
 tima viscera serpentis. Applica hoc dam-  
 natis, qui creaturas & ventrem suum,

Pars III.

L

pro

240 *Domus eternitatis. Consideratio*  
pro idolo habuerunt: *Quorum Deus ven-*  
*ter est.* Ad Philip. c. 3. 19. Ideoque jure  
merito cum idololatræ in inferno æter-  
num ardent; odiis & discordiis perpetuis  
agitantur; cruore, felle, & absynthio, a-  
spidumque veneno potantur.

II. Secunda Ægyptiorum plaga est  
*ranarum.* *Ascenderunt rana, operue-*  
*runtque terram Ægypti.* Exodi c. 8. 6.  
Ranæ hæ omnes sensus cruciabant: vi-  
sum magnitudine suâ & deformitate.  
Auditum assiduâ suâ, molestâque co-  
axatione. Gustatum esculentorum &  
poculentorum conspurcatione. Odo-  
raturum teterrimi odoris exhalatione. Ta-  
ctum manuum, pedum, & faciei inva-  
sione & occupatione. Ex mente S. Au-  
gustini l. c. Per ranas, clamosi, verbosi,  
garruli, maximè autem hæretici indi-  
cantur. *Qui Christianæ veritati contra-*  
*dicunt, ranae sunt,* ait. l. c. & rixis, tumul-  
tibusque ex discordia ortis, colliduntur.  
Tales ranæ sunt omnes damnati, qui hæc  
secundum Decalogi præceptum viola-  
runt, hæreses severunt, discordias semina-  
runt, rixas, tumultusque excitarunt.

ideo

ideoque apud inferos, omnes eorum  
sensus puniuntur, & perpetuis odiis,  
trixis, tumultibus ac discordiis exa-  
perantur.

III. Plaga Ægypti tertia est *Ciniphum*.  
*Percussit quoque pulverem terra, & facti  
sunt ciniphes, in hominibus & jumentis.*  
Exodi c. 8. 17. S. Augustinus plagam  
hanc tertio apponit præcepto, qua ju-  
bemur sabbathum sanctificare, & quie-  
tem habere. Ciniphes autem signifi-  
cant homines inquietos, contentiosos,  
trixos, qui & pacem suam & alienam  
perturbant. His Ciniphibus similes sunt  
damnati; qui dum hinc sabbatha viola-  
vunt, requiem piam sanctamque nolue-  
runt; lusibus, potationibus, Choreis,  
aliisque vitiis, festivis diebus vacarunt;  
hic in Orco, curâ, solitudine & in-  
quietudine in æternum cruciantur.

*Documentum.*

**O** Homo! Si vis ad vitam ingredi,  
serva mandata. Si vis plagas & in-  
firmas vitas temporales, & in altera perpe-  
tuas evitare; curre viam mandatorum

242 *Domus aternitatis. Consideratio*  
Dei; aliàs, veluti Ægyptii, à Deo in om-  
nibus sensibus hîc puniti sunt; sic & tu  
in iisdem in tartarço plecteris. Illi sunt  
puniti in visu per tenebras & spectra; in  
auditu per tonitrua; in gustu per sitim &  
potum sanguinis; in odoratu per fœto-  
rem ranarum; in tactu per dolorem ul-  
cerum, & morsum ciniphum; denique  
in phantasia & mente per continuum  
mœrorem & terrores multiplices. Tu  
verò si in sceleribus tuis, vitam finiveris,  
omnia hæc & singula in inferno, decu-  
plo graviùs, & sine fine experieris. *Omnis*  
*dolor irruet super eum. Job. c. 20. 22.*

7. *Septembris.*

I. **P**Laga quarta Pharaonis & Ægyptio-  
riorum, est plaga *Muscarum*. *Et*  
*venit musca gravissima. Exodi c. 8. 24.*  
Idest plurima ac molestissima: quæ in  
aures, nares, os, faciem, omnèsque partes  
corporis sese ingerebat, summâ cum  
importunitate atque dolore. Tales muscæ,  
cæ, & cœnomyiæ, ex mente S. Augusti-  
ni, [qui leget cynomyias, id est muscæ  
caninas] sunt violantes quartum præ-  
ceptum

ceptum: seu parentibus obedientiam, honorem & amorem denegantes, eos contemnentes, graviter offendentes, atque ad iram provocantes. Et quid ejusmodi inobedientes filios & filias castigabit in Orco? Muscæ caninæ: id est, iræ & odia, execrationes & diræ, quas contra parentes evoment, & contra se ipsos; quibus æstuabunt, se invicem mordebunt, exprobrabunt, maledicent ac laniabunt in perpetuas æternitates.

II. Plaga quinta Ægyptiaca, est pestis & interitus animalium. *Manus mea erit super agros tuos, & super equos, oves & boves.* Exodi c. 9. 3. Hæc plaga ab Augustino opponitur quinto præcepto, *Non occides.* Eaque plectuntur Ægyptii tanquam infanticidæ. Deinde peste & interitu animalium, ut scilicet oblectamenta, quæ in rebus terrenis quæsierant, non reperirent; sed potius in iis fastidia, damna ac dolores sentirent. O quales pestis, qualis contagio, quale virus, toxicumque inficit, homicidas, patricidas, infanticidas, in carcere tartareo? *Vibrabo super eos in gladio & fame & peste*

244 *Domus aeternitatis. Consideratio*  
*Et non erit qui effugiat. Jerem. c. 44. 13.*  
*Eritque ibi venenum aspidum insanabile.*  
*Deut. c. 32. 33.*

III. Plaga sexta fuit *Vesicae turgentes*  
*Et ulcera*, tam in hominibus quam in  
animalibus. Exodi c. 9. 10. Quam plagam  
Praesul Hipponensis opponit sexto praec-  
cepto: *Non moechaberis*. Ipsa enim do-  
lorem, pudorem & horrorem impudicis  
infligit. *Habet hac plaga, ut ait Origenes,*  
*ulcera Et vesicas cum fervore: in ulceribus*  
*arguitur dolosa malitia; in vesicis turgens*  
*superbia: in fervore, irae ac furoris insu-*  
*ma; sed vel maximè libidinis ardor &*  
*flamma. At quali plagâ, quali ardore &*  
*igne, impura hæc scelera plectentur in*  
*gehenna? igne ardente, pice & sulphure,*  
*igne qui non extinguitur, ardore qui non*  
*refrigeratur, & fumus tormentorum illor-*  
*um ascendit in secula seculorum.*

*Affectus timoris.*

**O** Quis non timeat te, Deus omni-  
potens, ac iuste, qui pro mensura  
delictorum servas plagarum modum.  
Quis hæc pœnas, tam temporales  
quam

quàm æternas considerans, aufit mandata tua prævaricari? Quis refragari, quis occidere, mœchari, fornicari? Nemo fanè, qui vindicem hanc manum tuam novit. Sed quis eam satis cognoscit? *Quis novit potestatem iræ tuæ, aut præ timore tuo iram tuam dinumerare.* Psal. 89. Tu enim sicut Ægyptios in omnibus penè bonis castigas, in fructibus agri, in animalibus, in primogenitis, in facultatibus, in corporibus: ita legum tuarum prævaricatores in Tartaro, omnibus bonis privabis, omnibus malis cumulabis: *Congregabo super eos mala.* Deut. c. 32. 23.

## 8. Septembris.

I. Septima plaga est, *grando, tonitura, fulgura & fulmina.* Exodi c. 9. 18. Et percussit grando cuncta, qua fuerunt in agris. Hæc plaga à Doctorum aquila, opponitur septimo præcepto, *non furtum facies.* Quia, ait, quod furto, contra Dei præceptum subducis, de celo perdis: nemo enim habet injustum lucrum, sine justo damno; ubi lucrum, ibi damnum. At quale damnum in gehenna? pro lu-

245 *Domus aternitatis. Consideratio*  
cro modico, damnum maximum, dam-  
num omnium cæli terræque bonorum,  
ita ut cum Henrico VIII. Angliæ Rege,  
meritò dicant: *Omnia perdidimus.* Octa-  
va plaga fuit *Locustarum*, omnia depal-  
centium. Exodi c. 10. 13. Hæc ab eo-  
dem Doctore opponitur præcepto octa-  
vo, *Non dices falsum testimonium.* Lin-  
gua enim mendax & detractoria, omni-  
dente locusta est nocentior, tum aliis, tum  
sibi; uti in gehenna patebit. *Perdes omnes*  
*qui loquuntur mendacium.* Et *Detracto-*  
*res, & susurrones & bilingues maledicti.*  
Eccli c. 28. Nimirum maledicti in mun-  
do, & maledicti in inferno in æternum.

II. Plaga nona est *triduana tenebra,*  
*eaq; horribiles.* Exodi c. 10. 21. Ac tam  
densæ, ut palpari possent. Hæc plaga,  
iudicio sæpius memorati Patris, respon-  
det nono præcepto: *Non concupisces*  
*uxorem proximi tui.* *Qui enim concupis-*  
*cit, in magnis versatur tenebris inconti-*  
*nentia & immunditia,* ait idem sanctus.  
Significabant quoq; hæ tenebræ, cæcita-  
tem mentis Pharaonis & Ægyptiorum.  
Verùm quæ tenebræ, quamque horri-  
biles,

biles, quàm exitiales, quàm pestiferæ  
 quàm palpabiles ac diuturnæ, invol-  
 vent, evertentes sensum suum ut non vi-  
 deant solem? Amantes opera tenebra-  
 rum? Exardescentes in concupiscentiis  
 suis carnalibus? Jam lata est sententia in  
 hos, & in omnes veste nuptiali charita-  
 tis, per peccatum lethale, spoliatos: *Li-*  
*gatis manibus & pedibus, mittite eum in*  
*tenebras exteriores; ubi erit fletus & stri-*  
*dor dentium.* Matth. c. 22.

III. Decima denique plaga est, *caedes*  
*primogenitorum*, à primogenito Pharao-  
 nis usque ad primogenitum ancillæ. l. c.  
 S. Augustinus hanc plagam opponit de-  
 cimo præcepto: *Non concupisces, non*  
*domum, non agrum. Qui enim commit-*  
*tunt furta, rapinas, aliasve injustitias:*  
*puniuntur in hac vita morte primogenito-*  
*rum, quia non relinquunt heredes bono-*  
*rum, malè partorum.* Vulgaris paucæ,  
 ipsâmet experienciâ, comprobata est:  
*Malè parta, malè dilabuntur.* Et de malè  
*quisitâ non gaudet tertius hæres.* Hæc est  
 plaga hujus vitæ, uti & quòd omni le-  
 thali crimine, occidatur primogenitus,

248 *Domus æternitatis. Consideratio*  
id est anima hominis, quæ damnatur. At  
quid plagarum in inferno? Ibi amittunt  
omnia primogenita, id est liberos  
suos divitiis injustis locupletatos: amittunt  
primogenita Mundi, id est, divitias,  
honores, voluptates, concupiscentias,  
horumque loco extremâ paupertate, ignominia,  
& pœnâ obruuntur sempiternâ.

*Apostrophe.*

**T**U Domine, Legislator noster supreme,  
mandasti, mandata tua custodiri  
nimis; tu minatus es ea non custodientibus,  
plagas gravissimas, temporales & æternas;  
cæci & amentes sunt, quibus eas non reformidant.  
Ite igitur, ô Hæretici! ac dicite, vos  
mandata Domini servare non posse. Dicite  
mali Catholici, vos ea servare non velle:  
sed & plagas, scriptas in libro hoc, pœnas  
& maledictiones à Deo intentatas, cum  
Ægyptiis expectate. Puniti sunt per omnia  
fere creatura, scilicet per terram, aquam,  
aerem, & ignem; per grandinem, sanguinem  
& mixta; Per animalia, ranas, muscas,  
ciniphes & locustas, per solem & astra

Septembris 9.

249

per homines Moysen & Aaronem, Per  
Angelos ac Deum ipsum. Eadem vos  
peccatores expectate in Inferno; eritis  
enim ibi plagis longè magis horrendis  
afflicti, eritis maledicti à Deo, maledicti  
ab Angelis, maledicti ab hominibus,  
maledicti in omnibus creatis, quia: *Ma-  
ledicti, qui declinant à mandatis tuis.*  
Psal. 118. 21.

### CONSIDERATIO XXIV.

Contemplatio damnatæ æternitatis.

*Non contemplantibus nobis, que viden-  
tur; sed que non videntur.* 2. Co-  
rinth. c. 4. 18.

9. Septembris.

**S** Ignatius in Libro Exercitiorum  
hebdomade primâ, exercitio quin-  
to, proponit modum considerandi in-  
fernum, quem, contemplationem nun-  
cupat; quia in eo, ejusdem tormenta, ve-  
luti oculis contemplamur. Præludium  
primum assignat, compositionem loci,  
subjectâ oculis imaginationis, inferni  
longitudine, latitudine. Præludium se-  
cundum

L 6

cundum